

SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2011. GODINU
SNAGE EKONOMSKOG POKRETA U BOSNI I HERCEGOVINI

Broj: 03-07-6-357/12
Sarajevo, 08. novembra 2012. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost, koja bi se dobila izvršenom revizijom u prostorijama stranke.

Na osnovu našeg pregleda, odnosno kontrole godišnjeg finansijskog izvještaja utvrđeno je da politička stranka Snaga ekonomskog pokreta u Bosni i Hercegovini nije postupila u skladu sa odredbom iz člana 11. stav (1) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, politička stranka Snaga ekonomskog pokreta u Bosni i Hercegovini ostvarila je ukupan prihod u iznosu od 4.704,86 KM, kao što je prikazano u narednoj tabeli¹:

Red. br.	Vrsta prihoda	Iznos u KM	Učešće u Uk.prih. %
1	Članarina	2.631,86	55,94%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	2.073,00	44,06%
7	Prihodi iz budžeta	0,00	0,00%
	Ukupni prihodi:	4.704,86	100,00%

U godišnjem finansijskom izvještaju stranka je iskazala ukupne rashode u iznosu 4.704,88 KM².

2. PREDSTAVLJANJE POLITIČKE STRANKE

Naziv političke stranke: Snaga ekonomskog pokreta u Bosni i Hercegovini. Skraćeni naziv je SEP u BiH.

Politička stranka pod nazivom Novi ekonomski pokret u BiH je registrovana 09.03.2010. godine u Općinskom sudu Tuzla i u sudski registar upisana pod brojem: 032-0-Reg-10-000231, sa sjedištem u Tuzli, Ulica Bosne Srebrene bb (ulaz A tribina, Sportski centar Mejdan).

Lice ovlašteno za zastupanje političke stranke u 2011. godini je Kasim Selimović, tadašnji predsjednik političke stranke.

Lice ovlašteno za podnošenje finansijskih izvještaja za 2011. godinu je Senad Pehlivanović.

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište i adresa stranke i imenovano je novo lice za njeno zastupanje i predstavljanje.

¹ Podaci su preuzeti iz korigovanog godišnjeg finansijskog izvještaja za 2011. godinu, koji je politička stranka Centralnoj izbornoj komisiji BiH dostavila 25.09.2012. godine, nakon što je u skladu sa odredbom iz člana 13. stav (3) Zakona o finansiranju političkih stranaka dobrovoljno otklonila nedostatke koji su bili otklonjivi.

² Podaci su preuzeti iz korigovanog godišnjeg finansijskog izvještaja za 2011. Godinu.

Stranka je upisana pod novim nazivom, Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Lice ovlašteno za zastupanje i predstavljanje političke stranke je Fadil Čerimagić.

Prema podacima iz godišnjeg finansijskog izvještaja za 2011. godinu, Snaga ekonomskog pokreta u BiH nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage ekonomskog pokreta u BiH za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole godišnjeg finansijskog izvještaja Snage ekonomskog pokreta u BiH obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Izvršen je pregled godišnjeg finansijskog izvještaja Novog ekonomskog pokret u BiH za 2010. godinu i izdat je izvještaj o pregledu sa nalazima revizije i preporukom revizora da stranka treba postupati u skladu sa odredbama člana 11. stav (1), stav (3) i stav (4) Zakona o finansiranju političkih stranaka.

Nerealizovane preporuke:

Politička stranka nije ispoštovala preporuke revizije, koje se odnose na primjenu odredbe iz člana 11. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

Politička stranka Snaga ekonomskog pokreta u BiH nije ispoštovala odredbu člana 11. stav (1) Zakona o finansiranju političkih stranaka, jer u svom knjigovodstvu nije uspostavila potpune evidencije o prihodima i rashodima koje je ostvarila u 2011. godini.³

(1) Politička stranka u svojim poslovnim knjigama nije uspostavila evidencije o nenovčanim donacijama koje je ostvarila usljed besplatnog korištenja dva poslovna prostora:

³ Političke stranke, su u skladu sa odredbom iz člana 11. stav (1) Zakona o finansiranju političkih stranaka, obavezne uspostaviti evidencije o svim prihodima, i rashodima bez obzira po kom osnovu su isti nastali.

- prostora u Tuzli površine 32 m², u ulici Maka Dizdara, u vlasništvu fizičkog lica, za koji je procijenjena tržišna cijena zakupnine u iznosu od 1.200,00 KM i
- prostora pravnog lica „Visa Broker osiguranje“ d.o.o. Sarajevo, u ulici Čekaluša, površine 22 m², za čije je korištenje u trajanju od tri mjeseca procijenjena tržišna cijena zakupnine u iznosu od 873,00 KM.

(2) U poslovnim knjigama politička stranka Snaga ekonomskog pokreta u BiH nije evidentirala troškove zakupnine za korištenje pomenuta dva poslovna prostora, u iznosu od 2.073,00 KM.

5.2. PREPORUKE:

Preporučuje se političkoj stranci Snaga ekonomskog pokreta u BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama iz člana 11. stav (1) Zakona o finansiranju političkih stranaka, odnosno da u svojim poslovnim knjigama uspostavi evidencije o svojim prihodima i rashodima, bez obzira po kom osnovu su isti nastali.*

Komentar

Politička stranka Snaga ekonomskog pokreta u BiH je, nakon što je joj je dostavljen Preliminarni izvještaj o pregledu godišnjeg finansijskog izvještaja za 2011. godinu, otklonila nedostatke u finansijskom izvještaju koji je prethodno podnijela Centralnoj izbornoj komisiji BiH 23.03.2012. godine. U korigovanom izvještaju stranka je iskazala nenovčane donacije u iznosu od 2.073,00 KM i troškove zakupnine u istom iznosu.

Služba za reviziju je uvažila ispravku izvještaja i korigovala nalaze koji se odnose na odredbe člana 6. i člana 11. stav (3) Zakona o finansiranju političkih stranaka, navedene u preliminarnom izvještaju revizije. Nedostaci u vezi sa primjenom odredbe člana 11. stav (1) ovog Zakona su neotklonjivi, jer su poslovne knjige političke stranke, u skladu sa računovodstvenim propisima, zaključene sa 31.12.2011. godine i nije moguća njihova naknadna korekcija.

Mr. Hasida Gušić, šef Službe za reviziju - revizor